



## Kost og losji i 2006. Reiseutgifter ved besøk i heimen, trekkfri bilgodtgjering, fordel ved bruk av arbeidsgivar sin bil og rentefordel ved rimelege lån i arbeidstilhøve i 2006. Fordel ved bruk av elektronisk kommunikasjon i 2006.

Skattedirektoratets satsar for kost i 2006 er auka frå 2005. Det er teke omsyn til endringane i konsumprisindeksen for matvarer og for husleige, lys og brensel fram til september 2005.

Skattedirektoratets forskottssatsar for trekkfri kostgodtgjering for arbeidstakarar som bur på pensjonat og for arbeidstakarar som bur på hybel/brakkje der det er høve til å koke mat, er auka i forhold til 2005.

Skattedirektoratet har fastsett frådragsatsar for bruk av bil ved besøk i heimen. Fordel ved bruk av arbeidsgivar sin bil er omtalt. Trekkfri bilgodtgjering, rimelege lån i arbeidstilhøve og fordel ved adgang til bruk av elektronisk kommunikasjon er også omtalt.

Kunngjering av 20. desember 2005 om satsane for trekkpliktige naturalytingar i 2006 er teke inn som vedlegg.

1	Skattedirektoratets satsar for kost og losji for inntektsåret 2006 .....	2
2	Skattedirektoratets forskottssatsar for trekkfri kostgodtgjering og frådrag for meirutgifter til kost ved lange daglege fråvær .....	2
2.1	Skattedirektoratets forskottssatsar for trekkfri kostgodtgjering .....	2
2.2	Frådrag for meirutgifter til kost ved lange daglege fråvær.....	2
3	Reiseutgifter ved besøk i heimen, trekkfri bilgodtgjering og fordel ved privat bruk av arbeidsgivar sin bil for inntektsåret 2006 .....	2
3.1	Frådrag for reiseutgifter ved heimesøk .....	2
3.2	Trekkfri bilgodtgjering .....	3
3.3	Privat bruk av arbeidsgivar sin bil.....	3
3.3.1	Bilar som fell innanfor dei standardiserte reglane (sjablonsystemet) .....	3
4	Rimelege lån i arbeidstilhøve .....	3
5	Arbeidsgivar sin dekning av arbeidstakar sine kostnader til elektronisk kommunikasjon.....	4
	Skattetrekket i 2006 .....	5

## 1 Skattedirektoratets satsar for kost og losji for inntektsåret 2006

Med heimel i skattebetalingslova § 6 nr. 2, jf. § 2-1 i forskrift frå 21. juni 1993 om m. a. verdsetjing av naturalytingar, sjå melding Sk nr. 12/1993, har Skattedirektoratet fastsett følgjande satsar for verdien av fri kost og losji ved utrekning av forskottstrekk og ved likninga for 2006:

Fritt opphald (kost og losji)	kr 96 pr. dag
Fri kost (alle måltid)	kr 70 pr. dag
Fri kost (to måltid)	kr 55 pr. dag
Fri kost (eitt måltid)	kr 36 pr. dag
Fritt losji (eitt eller delt rom).	kr 26 pr. dag

Det er teke omsyn til endringane i konsumprisindeksen for matvarer og alkoholfrie drikkevarer og for husleige, lys og brensel frå september 2004 til september 2005.

Satsane gjeld heile landet. Berre dagar arbeidstakaren faktisk får slike ytingar skal reknast med.

Blir Skattedirektoratets satsar nytta, skal desse gjelde for alle tilsette når trekk og arbeidsgivaravgift skal reknast ut, både i bokføringa og i lønnsoppgåva.

Satsane for fri kost skal nyttast same kva for stilling mottakaren har i verksemda, og kvar for seg for familiemedlemmer som får ytinga. For barn som ikkje har fylt 10 år innan utgangen av 2006, skal satsane for fri kost halverast.

Blir arbeidstakaren **trekt** for verdien av kost og losji etter satsar fastsette anten av Skattedirektoratet eller i tariffavtale, skal skattetrekk og arbeidsgivaravgift reknast av bruttolønn.

Dersom trekket i lønna er mindre enn satsane i tariffavtale og dessutan under satsane frå Skattedirektoratet, skal ein gi eit tillegg i bruttolønna. Tillegget skal vere lik differansen mellom direktoratet sine satsar og det beløpet som er trekt.

Dersom satsane for kost og losji i særlege tilfelle skulle verke klårt urimelege, kan ytingane setjast til ein lågare verdi **ved likninga**. Det er føresetnaden at denne ordninga berre skal reserverast for heilt spesielle tilfelle og difor berre skal kunne nyttast unntaksvis. Det er ikkje overlate til arbeidsgivarane å ta individuelle

omsyn (nytte reduserte satsar) ved fastsetjing av trekkgrunnlaget.

Sjå òg den påtrykte kunngjeringa.

## 2 Skattedirektoratets forskottssatsar for trekkfri kostgodtgjering og frådrag for meirutgifter til kost ved lange daglege fråvær

### 2.1 Skattedirektoratets forskottssatsar for trekkfri kostgodtgjering

Forskottssatsane for trekkfri kostgodtgjering for 2006 er følgjande pr. døgn:

For arbeidstakarar som bur på pensjonat eller hybel/-brakke utan høve til å koke mat (og som ville hatt krav på frådrag for meirutgifter til kost):

kr 256

For arbeidstakarar som bur på hybel/-brakke der det er høve til å koke mat eller har overnatta privat (og som ville hatt krav på frådrag for meirutgifter til kost):

kr 169

Får arbeidstakaren i tillegg dekt eitt eller fleire måltid, må den trekkfrie godtgjeringa reduserast med 10 prosent for frukost, 40 prosent for lunsj og 50 prosent for middag (beløp skal rundast opp eller ned til nærmaste heile krone).

### 2.2 Frådrag for meirutgifter til kost ved lange daglege fråvær

Den satsen som blir nytta når arbeidstakar får godkjent kostutgifter ved samanhengande fråvær frå heimen på 12 timar eller meir, jf. takseringsreglane

§ 1-3-6, er for inntektsåret 2005 kr 75. Arbeidsgivaren kan for 2006 godtgjere slike utgifter trekk- og avgiftsfritt etter denne satsen.

## 3 Reiseutgifter ved besøk i heimen, trekkfri bilgodtgjering og fordel ved privat bruk av arbeidsgivar sin bil for inntektsåret 2006

### 3.1 Frådrag for reiseutgifter ved heimbesøk

Den satsen som blir nytta når pendlarar får godkjent reiseutgifter ved besøk i heimen, jf. takseringsreglane § 1-3-10, skal for inntektsåret

2005 vere kr 1,40 pr. km inntil 35 000 km pr. år og kr 0,70 pr. km over 35 000 km pr. år. Arbeidsgivaren kan for 2006 godtgjere slike utgifter trekk- og avgiftsfritt etter desse satsane. Skattedirektoratet kan heve satsane i inntektsåret ved prisauke.

### 3.2 Trekkfri bilgodtgjering

Bilgodtgjering er berre trekkfri når godtgjeringa blir utbetalt for yrkes- eller tenestekøyring som kilometergodtgjering etter statens reiseregulativ (særavtale) (eller lågare) og når krava til legitimasjon er oppfylt.

Ekstra kilometergodtgjering til tilsette i landpost- og lokalomdelingstenesta og til lensmenn og lensmannsbetjenter er ikkje trekkfri etter 1. mars 2006 (forskriftsendring).

### 3.3 Privat bruk av arbeidsgivar sin bil

#### 3.3.1 Bilar som fell innanfor dei standardiserte reglane (sjablonsystemet)

Fordel ved privat bruk av arbeidsgivar sin bil blir fastsett til 30 prosent av bilens listepreis som ny inntil 239 100 kroner og 20 prosent av overskytande listepreis.

For:

- bilar eldre enn 3 år pr. 1. januar i inntektsåret, eller
- skattytarar som godtgjer at yrkeskjøringa går over 40 000 km i inntektsåret, eller
- el-bilar

blir det ved utrekninga teke utgangspunkt i berre 75 prosent av bilens listepreis som ny (i staden for 100 prosent av listepreis), sjå avsnittet ovanfor. Ved kombinasjon av to eller fleire av dei nemnde alternativa blir det berre rekna med 56,25 prosent (75 prosent av 75 prosent) av bilens listepreis som ny, med unntak av kombinasjonen el-bil og yrkeskjøring over 40 000 km hvor det likevel blir rekna med 75 prosent av bilens listepreis som ny. Den reduserte listepreisen skal deretter multipliserast med den relevante presentsatsen (-satsane) etter avsnittet ovanfor.

Som eksempel på når ein bil må reknast som eldre enn 3 år pr. 1. januar i inntektsåret, kan vi nemne ein bil som er førstegongsregistrert 5. januar 2003. Deretter legg ein til 3 år. Det gir datoen 5. januar 2006. Inntektsåret etter, dvs. 2007, blir

bilen rekna som eldre enn 3 år pr. 1. januar i inntektsåret.

## 4 Rimelege lån i arbeidstilhøve

Når arbeidsgivaren har gitt eller formidla lån i arbeidstilhøve til rimeleg rente, skal det trekkjast skatt og reknast arbeidsgivaravgift av rentefordelen. Fordelen er differansen mellom renta rekna etter normrentesatsen og den faktisk påkomne renta. Normrentesatsen er for januar og februar 2006 **2,5 prosent**. Eventuelle seinare endringar kunngjerast på [www.skatteetaten.no](http://www.skatteetaten.no) under "Tabeller og satser". Modellen for berekning av normrenten opnar for seks moglege endringar i normrenten pr. år (1. januar, 1. mars, 1. mai, 1. juli, 1. september og 1. november). Rentefordelen skal reknast på dei aktuelle månadene. Del av månad skal reknast som heil månad. Regelen gjeld også når slike lån til dømes er gitt til arbeidstakaren sin ektemake eller sambuar.

Rentefordelen ved eit kortsiktig mindre lån frå arbeidsgivar blir ikkje rekna som skattepliktig inntekt. Vilkåra er at lånet, da det blei gitt, ikkje var større enn 3/5 av grunnbeløpet i folketrygda (pr. 1. januar 2006 svarande til kr 36 419), og tilbakebetalingstida er høgst eitt år.

Skattekortet for 2006 er skrivne ut på grunnlag av likninga for 2004, der ein eventuell skattepliktig rentefordel er teken med.

Skattytarar som tek opp nye lån og med dette får vesentleg skattepliktig fordel, bør endra skattekortet, sjå [www.skatteetaten.no](http://www.skatteetaten.no).

## 5. Arbeidsgivar sin dekning av arbeidstakar sine kostnader til elektronisk kommunikasjon

Fordel ved adgang til privat bruk av elektronisk kommunikasjon (fasttelefon, mobiltelefon og breiband mv.) utanfor ordinær arbeidssituasjon som blir dekt av arbeidsgivar, blir fastsett slik pr. år:

- Ein elektronisk kommunikasjonsteneste: inntil kr 4 000, likevel begrensa til den del av verdien av tenesta som overstig kr 1 000
- To eller fleire kommunikasjonstenester: inntil kr 6 000, likevel begrensa til den del av verdien av tenesta som overstig kr 1 000

Det er verdien av tenesta mellom 1 000 og 5 000 kr (7 000 for to eller fleire tenester) som skatteleggjast. Er verdien av tenesta under 5 000 kr (7 000 for to eller fleire tenester) reduserast det skattepliktige beløp tilsvarande.

Dersom arbeidstakar sjølv dekkjer delar av kostnadene til elektronisk kommunikasjon, skal beløpa på kr 4 000/6 000 reduserast tilsvarande.

Ved adgang til privat bruk av arbeidsgivars elektroniske kommunikasjonsteneste i delar av inntektsåret, blir fordelsskattlegginga gjennomført forholdsmessig for så mange heile og påbegynte månader som arbeidstakar har disponert tenesta.

# Skattetrekket i 2006

Satsar for trekkpliktige naturalytingar o.a.

<b>Fri kost og losji</b>	<b>Satsar pr. døgn</b>
Fritt opphald - kost og losji	kr 96
Fri kost - alle måltida	kr 70
Fri kost - to måltid	kr 55
Fri kost - eitt måltid	kr 36
Fritt losji - eitt eller delt rom	kr 26

## **Skattedirektoratets forskottssatsar for trekkfri kostgodtgjering**

**Satsar**

For arbeidstakarar som bur på pensjonat eller hybel/brakke utan høve til å koke kr 256 mat (og som ville hatt krav på frådrag for meirutgifter til kost)

For arbeidstakarar som bur på hybel/brakke der det er høve til å koke mat eller kr 169 har overnatta privat (og som ville hatt krav på frådrag for meirutgifter til kost)

## **Fordel ved privat bruk av firmabil**

Fordelen blir fastsett til 30 prosent av bilens listepriis som ny inntil 239 100 kr og 20 prosent av overskytande listepriis.

For:

- bilar eldre enn 3 år pr. 1. januar i inntektsåret, eller
- skattytare som godtgjer at yrkeskjøringa overstig 40 000 km i inntektsåret, eller
- el-bilar

blir det ved utrekninga i avsnittet ovanfor teke utgangspunkt i berre 75 prosent av bilen sin listepriis som ny. Ved kombinasjon av to eller fleire av punkta ovanfor reknast fordelene berre av 56,25 prosent av bilen sin listepriis som ny, med unntak av kombinasjonen el-bil og yrkeskjøring over 40 000 km der det likevel blir rekna med 75 prosent av bilen sin listepriis som ny.

Ved firmabilordning i delar av inntektsåret, blir fordelene fastsett forholdsmeisig for det tal heile og påbegynte månader bilen har stått til disposisjon.

## **Sats for trekkfri reisegodtgjering - heimreise for pendlar**

### **Trekkfri reisegodtgjering for heimreise for**

### **pendlar (ikkje dagpendlar) som arbeidsgivar dekkjer:**

pr. km inntil 35 000 km pr. år

pr. km over 35 000 km pr. år

Kjøregodtgjering for yrkes- eller tenestekjøring er trekkfri dersom godtgjeringa samsvarer med satsane og vilkåra elles i statleg regulativ.

**Satsar**

kr 1,40

kr 0,70

## **Rentefordel ved rimelege lån i arbeidsforhold**

Normrentesats i januar og februar 2006

2,5 prosent

Eventuelle seinare endringar i rentesatsen vil gå fram av skatteetaten.no under "Tabeller og satsar".

## **Andre trekkpliktige naturalytingar**

Verdi av andre naturalytingar, sjå forskrift av 21. juni 1993 nr. 546, jf. Skattedirektoratets melding Sk nr. 12/1993.

Oslo, 20. desember 2005

